



第二三三〇册

四庫全書

●上海古籍出版社

本冊目次

大 鳧 眉 靜 北
補

全 藻 菴 菴 郭

集 集 遺集 集 集

明 高 啓撰……………一

明 高 啓撰……………二五三

明 楊 基撰……………三二九

明 張 羽撰……………四八九

明 徐 賁撰……………五四七

欽定四庫全書

集部
大全集卷一至三

詳校官原任中允臣李燾

中書臣劉源溥覆勘

總校官原任中允臣王燕緒

校對官中書臣李斯咏

謄錄監生臣譚世偉

欽定四庫全書

集部六

大全集

別集類五明

提要

臣等謹案大全集十八卷明高啟撰啟字季

迪長洲人元末避張士誠之亂隱居松江之

青丘自號青丘子洪武初召修元史授翰林

院國史編修官至戶部侍郎後坐撰魏觀上

梁文被誅年僅三十九所著有吹臺集江館

欽定四庫全書

大全集

集鳳臺集婁江吟稿姑蘇襍詠凡二千餘首

自選定為岳鳴集十二卷凡九百餘首啟沒

無子其姪立於永樂元年鑄板行之至景泰

初徐庸擬拾遺佚合為一編題曰大全集劉

昌為之序即此本也啟天才高逸實據明一

代詩人之上其於詩擬漢魏似漢魏擬六朝

似六朝擬唐似唐擬宋似宋凡古人之所長

無不兼之振元末纖穠縹麗之習而返之於

古啟實為有力然行世太早頌折太速未能
鎔鑄變化自為一家故備有古人之格而反
不能名啟為何格此則天實限之非啟過也
特其摹仿古調之中自有精神意象存乎其
間譬之褚臨稊帖究非硬黃雙鈎者比故終
不與北地信陽太倉歷下同為後人詬病焉
乾隆四十四年五月恭校上

欽定四庫全書

大全集
提要

總校官 臣陸費輝

總纂官 臣紀昀 臣陸錫熊 臣孫士毅

大全集序

故嘉議大夫戶部侍郎前翰林國史院編修官授諸王
經青丘先生高啓文集一十八卷舊一千若干篇今二
千若干篇儒士徐庸字用理之所廣也用理既以類廣
先生文集乃以示昌昌謹為序之曰夫將以所學明先
王之道救當世之弊則必著於言焉庶幾見者有聞聞
者之有考也六經更聖人之手其言粹然一出於正要
之所以存鑒戒者亦多聖人既歿縱橫捭闔之說興大
道幾微漢廣游學之路董生賈誼始各以其學自見著
書數千萬言沉雄簡奧其明先王之道陳當世之務略
備矣唐韓愈起力變八代之衰習故其言惟醇而杜甫
李白又各以其學自見明王道具時政謂之詩史宋歐
陽修博學力行本論之言有益於治至朱元晦則根據
六經之旨攘斥百氏之非歸然為世儒宗其大要使人
審王伯之略致義利之辨而已今諸家之言具存考之
可知用之猶尚可行也蓋三代而下漢唐宋之所以崇

欽定四庫全書

大全集
原序

德著業而繼焉以稱治者有賴於是焉先生生元丙子
少稟神慧長讀六經諸家之言融而通之會而成之又
取而力行之其發之於言則浩乎如大川之決防也鉅
乎如洞庭之張樂也儵乎如幽壑之舞蛟也致之於用
則如射者之於的準乎其無疑也然值國步之既促不
苟於用隱於青丘登高望遠撫時懷古其言多激烈慨
慷若將於世無足為者及我太祖高皇帝定鼎建業肆
詔徵賢先生起與元史之修錄善醜惡儒者之功庶幾
欽定四庫全書

大全集
原序

二

九使少優游而待之則得將止於是乎言將止於是乎
行將止於是乎嗚呼天實為之謂之何哉用理師學於
先生之言得之既深遂勒圖傳之亦使聞者考之而可
知見者用之而可行以明其言之果有賴於世也嗚呼
厚矣景泰元年庚午冬十二月望日賜進士出身吳劉
昌序

欽定四庫全書

大全集
原序

三

高太史本傳

高啓字季迪吳郡人生元丙子少警穎力學遂工於詩上窺建安下逮開元大厯以後則藐之天資秀敏故其發越特超詣擬鮑謝則似之法李杜則似之庾丁解牛肯綮迎刃千景萬類規模同一軌山龍華蟲如其貴也象犀珠玉如其富也秋月冰壺如其清也夏姬王嬙如其麗也田文趙勝如其豪也鳴鶴翔雲如其逸也仍和陶韋大羹玄酒之味不闕二宗粟布之征所謂前齒古

欽定四庫全書

大全集
本傳

人於曠代後冠來學於當時者矣東吳騷雅士悉推之無嫌為文尚氣多辨難攻擊之體讀之疊疊忘倦大抵以先聲掩其兼美張士誠有浙右時羣彥多從仕者啓獨挈家依外舅周仲達居吳淞江上歌詠終日以自適焉陪臣饒介之丁仲容輩以詩自豪及見啓為歎服啓尤好權略論事聳人聽故與饒如授左契定交者若王華楊基杜寅張憲張羽周砥王行宗克徐賁之徒胥不羈膽才爽邁有文談辨華給惘然以為天下無人一時

武勇多下之明興以某臣薦偕謝徽等聞於朝與修元

史授翰林國史編修官復命教授諸王久之推任喉舌

之司待以不次與徽等懇辭乞歸田里制可仍賜金以

還復居江上遨遊青丘甫里之墟始號槎軒又號青丘

子銳志亦不少衰矣居幾何忽從故時一二俠入遊於

郭適江夏魏觀為郡老而好士延見王華輩啓嘗會於

京尤禮遇之不得已亦廁為客復強辭之歸故里殊悵

悵不樂遂蹇連以歿年甫三十九嗟乎使啓少延則駁

欽定四庫全書

大全集
本傳

駁入曹劉李杜之壇矣止此哉其詩類彙藏於家未即

顯初富商陳寶生欲為壽諸梓啓不許乃止凡傳錄而

誦之者無不歆羨必不泯焉予與啓同里知其人為詳

故特為傳以貽不朽云洪武乙卯二月隴西李志光書

欽定四庫全書

大全集卷一

明 高啟 撰

古樂府

上之回

聖主重行幸六卦法乾旋北巡初避暑東祠已祈年羣官從清塵聚若星麗天前揚豹尾竿左靡魚須旃瀚海通漢月蕭關絕塞煙願奉千齡樂皇躬長泰然

欽定四庫全書

君子有所思行

聘望京輔地金城千里餘戔戔松柏陵霑霑桑柘墟明堂表青陽飛觀切紫虛況有戚里第高樓夾清渠愛妾舞羅襪嬖奴鳴珮琚東園賜祀罷工林乘副車玄運有恒旋盛時無人居勿嗤城南巷寂寞揚雄廬

李夫人歌

延年罷歌少翁望蘭岑淒淒銷複帳臨段最難忘啟獻不相嚮陳杯觴列燈火是耶非幄中生新宮漏殘星欲

墮

古別離

他人豈不別所別諒有由嗟君今何營輕薄好遠遊遙遙京洛車汎汎江漢舟君身非賈胡所至自輒留微音已冥邈思懷高綢繆露滋紅蘭春霜變綠桂秋此時望歸來含情上高樓川途本無限君去焉得休願令中斷阻化彼山與丘

燕歌行

欽定四庫全書

清商變節朱火連嚴霜塗庭卉木腓邊城早寒未授衣念君遐征不能歸涼風時來動中聞蟪蛄在戶熠燿飛賤妾宵興歎無依簪珥不施減容輝欲寫憂思撫瑤徽君今不在聽者稀啓明未出燈已微愛而不見徒歎歎

吳趨行

僕本吳鄉士請歌吳趨行吳中實豪都勝麗古所名五湖洵巨澤八門洞高城飛觀被山起游艦沸川橫土物既繁雄民風亦和平泰伯德讓在言游文學成長沙啓

霸基吳夢表休積舊聞凡幾家奕代產才英遭時各建
事徇義或騰聲財賦甲南州詞華並西京茲邦信多美
粗舉難備稱願君聽此曲此曲匪誇盈

南山有鳥

南山有鳥北山羅兩地一失驚風波哀鳴獨宿心靡他
竟抱幽恨歸山阿不及山上松纏綿同女蘿君歸來聽
妾歌相思感君情意多贈君明珠淚滂沱死生茫茫終
奈何

欽定四庫全書

大全集
卷一

玉波冷雙蓮

金風暮剪雙頭華啼臉辭秋嬌血紫宮女三千罷笑喧
錦雲障冷鴛鴦死滿江煙玉流古香尋魂弔影愁茫茫
吳天墜露衰紅溼一夜波涼小龍泣

葉秀葯華

春香上羅襦暗引蘭橈渡蝶散掩紅房王孫歸已暮斜
條拂蛾眉采擷同芳杜脈脈雨煙濃江皋斷腸路

吳鈞行

吳鈞若霜雪吳人重遊俠歸前含笑看上有仇家血
短歌行

置酒高臺樂極哀來人生處世能幾何哉日西月東百
齡易終可嗟仲尼不見周公鼓絲附石以永今日歡以
別虧憂因會釋燕鴻載鳴蘭無故榮子如不樂白髮其
盈執子之手以酌我酒式咏短歌爰祝長壽

白馬篇

白馬銀鑣鞍流光皎如練龍沙積雪裏一去誰曾見昨

欽定四庫全書

大全集
卷一

日羽林兒獨拜建章殿天子親賜與騎向交河戰疾驅
不辭家恐獲逗遛謫萬里條若飛神速虜難變前收日
逐叱右斷康居援事定八閩來籬中有餘箭

宛轉行

宛轉復宛轉宛轉日幾迴君腸轆轤斷我腸車輪摧
長門怨

憎寵一時心塵生舊屋金苔滋銷履迹花速度鑒音暮
雀重門迴秋螢別殿陰君明猶不察妒極是情深

班婕妤

微誠雖可守妙舞却難工已別增成舍初來長信宮
歸秋篋裏燭滅夜帷中莫忘爭新寵曹辭玉輦同

閨闈篇

天門迎旭開紫霞八表洞達春無涯閨道縈迴度驚車
羽旗揚影鐘鼓撾後宮三千人秀色掩盡世上花宸遊
時過廣成家瑤觴再壽盛露華一仁興萬福加何須慕
神仙辛勤煉丹砂小臣微詞欲拜獻帝德自大非為誇
欽定四庫全書

塞下曲

日落五原塞蕭條亭堠空漢家討狂虜籍役滿山東去
年出飛狐今年出雲中得地不足耕教人以為功登高
望衰草感歎意何窮

折楊柳歌詞

高枝拂翠幃低枝垂綺筵春風千萬樹此樹妾門前

其二

江頭橫吹悲北客休南去聞道武昌門愁人無別樹

雙溪引

濁流赴海東若傾津卒剗船朝不行公乎提壺得欲渡
大聲呼公公不顧饑鯨饒蛟肆啖吞竟以深淵作高墳
貪生惡死誰不有公獨不然果狂叟二十五絃彈且歌
公今渡河將奈何公今渡河將奈何

將進酒

君不見陳孟公一生愛酒稱豪雄君不見揚子雲三世
執戟徒工文得失如今兩何有勸君相逢且相壽試看
欽定四庫全書

六印盡垂腰何似一危長在手莫惜黃金醉青春幾人

不飲身亦貧酒中有趣世不識但好富貴亡其真便須
吐車茵莫畏丞相喚桃花滿谿口笑殺醒遊人絲繩玉
缸釀初熟搖蕩春光若波綠前無御史可盡歡倒著錦
袍舞鸚鵡愛妾已去曲池平此時欲飲焉能傾地下應
無酒壚處何苦寂寞孤平生一杯一曲我歌君續明月
自來不須秉燭五岳既遠三山亦空欲求神仙在杯酒
中

雨雪

雨雪暗桑乾
深愁沒馬鞍
臨關將月認
覆磧作沙看
不阻蕃兒獵
聊供漢使餐
春風消不得
三月戌袍寒

其二

雨雪暗龍沙
愁陰入漢家
恨迷青冢草
驚見黑山花
夜積瓊廬重
朝隨羽旆斜
空思鳩鵲觀
柳色變年華

羅敷行

陌上三月時
柔桑多綠枝
攜筐行采葉
日暮畏蠶飢
君

欽定四庫全書

卷一

七

來駐車馬相逢在桑下
漫說同心言不是知音者
君貴多輝光妾賤無紅妝
自信田間婦難從天上
郎長安畫樓宇無限如花女
使君當早歸莫共羅敷語

當爐曲

光豔動春朝
妝成咲洛橋
錢多自解數
箏澀未能調
花如秦苑好
酒比蜀都饒
深謝諸年少
來沽不待要

遊俠篇

遊俠向何處
蕩蕩長安城
中暮塵起殺人無王名
所

殺豈私讎激烈為不平
新削安陵刀光奪衆目
明不畏

赤棒吏里聞自橫行
灌夫託為友袁盎事以兄
負氣不負勢傾身復傾情
笑顧少年輩瑣瑣真可輕

關山月

月出遼海東
朔雲捲塞風
纔升榆塞遠復照柳城空
影滿雕弧外光沉金柝中
思家舉頭望今夜一軍同

鞠歌行

玉蘊影劍閔鋒牛鐸之音
混黃鐘俾神奇作妄庸揚徽

欽定四庫全書

卷一

八

察陋世罕逢物有合勢必從
如魚得水雲與龍夾吾因
伊尹農二主舉之享萬鍾
嗟古人孰繼蹤女子猶為悅
已容

古詞

妾刀不斷機即行當早歸
還將機中錦作即身上衣

王昭君

都門塵拂春風面臨別看花淚如霰
君王惆悵惜蛾眉不似前時畫中見
白髮呼韓感漢恩寧甘謾號關支尊

鹽素肉食本異俗不如但嫁巫山村黃沙白雪無城闕
手冷鵲弦夜彈歇相隨萬里到穹廬只有長門舊時月
妾語還憑歸使傳妾身沒虜不須憐願君莫殺毛延壽
留畫商巖夢象賢

烏夜啼

啼鳥驚多棲未久半起疎桐上高柳燈下佳人顰淺眉
機中少婦停織手月入空閨夜欲深數聲猶似聽君琴

行路難

欽定四庫全書

大全集
卷一

九

君不見盤中鯉暫失風濤登組几君不見枝上蜩繞出
糞壤凌雲霄推移變化詎可測勿謂明日同今朝出乘
高車入大馬半是當年徒步者范叔曾逃客溺餘衛青
亦在人筭下悠悠行路莫相欺為雌為雄未可知

其二

危莫若編虎須險莫若觸鯨牙行路之難復過此前有
瞿塘後巖斜杯酒朝離矛刃夕加恩仇反覆間楚漢生
一家釣弋死雲陽鵠夷桑江沙所以賢達人高飛不下

避周置行路難堪歎嗟

其三

雕牀玉案刺繡茵宜城酒多光照春坐留北方之上客
歌南國之佳人盛時但流若川水榮貴長存竟誰是
魏帝高臺碧瓦空梁王故苑黃塵起世人傾奪首未迴
可憐不飲冢累累

劉生

結客諸陵下平生好排難鸞瑩白楊刀鵲驚黃拓彈投
瓊遠即夜擊筑高樓且念無可報恩空推車屢歎

欽定四庫全書

大全集
卷一

十

怨歌行

妾始充下陳嬌容常自持上宮三千妓一一妒蛾眉
絳急有斷聲鏡暗無妍姿遂令開時花遽作落後枝昨夕
歌吹歡今夕蛩語悲從來班婕妤好不勝趙昭儀

班婕妤

班婕妤朝陽低飛蓬蒿隱文章十步一啄于彼山梁
爭雄決鬪憤氣張好勇守介性之良安能受馴畜斂翼

自摧傷

蒿里歌

素駭駕廣柳蕭蕭出城闕玄廬儼象設猶恐死有神古
原閒愁冤荒草不得春一作泉下客長違室中親昔興
每待旦今卧焉知晨敝衣已成灰含貝仍作塵家門諒
不遠欲歸竟何因平生所愛物娛玩由他人哀哉此里
中同逝壯老均聖賢亦豈免閒道庶可珍

薊門行

欽定四庫全書

大
全
集
卷一

十一

行行光祿塞望望單于臺天寒水草盡萬里孤軍來中
國多荒土窮邊何用開

巫山高

巴江西上巫峽深奇峰十二江之陰陽雲高臺不可尋
但見丹楓碧樹攢幽林昔聞瑤姬在其下月為環玦風
為襟空山久獨居偶感襄王心楚宮闕秋夢彷彿來同
衾神仙會過當有道豈致世俗成荒淫千秋遺賦應多
恨暮雨蕭蕭猿自吟

上留田

有弟兄不見憐上留田行泣念彼先人上留田弟寒衣
不蔽身上留田兄富出乘華軒上留田死而棺槨不全
上留田他人為葬古原上留田我行見此孤墳上留田
白楊一何翻翻上留田人生孰無弟昆上留田爾獨大
義不教上留田鄰人之歌悲不可聞上留田

董逃行

史侯稱臣董侯立山東義師烽火急兇兒夾輦奉西遷

欽定四庫全書

大
全
集
卷一

十二

百姓驅隨棄村邑單圭苑中高作營千里不復聞雞鳴
舊宮焚燒無片瓦黃金盡出諸陵下長安城頭日欲晡
董逃歌殘歌布乎

碧玉歌

碧玉小家女初無珠翠妝感郎相顧重朽質白生光

堂上歌行

堂上歌歌南山主人為歡仰客顏翠帷夜卷出兩鬟移
尊更飲花樹間花樹間有明月客不醉歌不歇

龍頭水

人間何處無流水偏到龍頭愁入耳夜雜羌歌明月中秋驚漢夢空山裏隴坂崎嶇九迴折聲隨到處長鳴咽欲照愁顏畏水渾前軍曾洗金創血回頭千里是長安
征人淚枯流不乾

少年行

官侍長楊拜夕郎况憑內寵在椒房賜金十萬身無用
乞作燕姬一日妝

欽定四庫全書

大令集
卷一

十三

其二

下直平明出禁門笑提博局伴王孫寶刀不敢將輪却
明日沙場欲報恩

芳樹

歲華映華閨窈窕臨清沼風姿巧弄春露氣微含曉重
條拂過騎翳葉留歸鳥忽憶共攀人徘徊行獨遠

放歌行

泰山玉檢書成功芝房正奏甘泉宮漢家五葉號全盛

有似白日初當中雄雞天上啼清曙春滿咸陽萬家樹
諸侯客子盡西來只道明時苦難遇褐衣不脫見至尊
立談一刻皆承恩廢詩已上柏梁殿獻賦還過金馬門
大道易登平若砥始信青雲纔尺咫共喜嚴徐得寵榮
未容絳灌生讒毀丹詔仍聞訪草萊皇心務欲攬羣材
嗟君猶在新豐卽日暮空歌歸去來

空城雀

空城雀何局促城頭飛城下宿百匝得一枝千啄逢一
欽定四庫全書
大令集
卷一
十四
粟衆雖隨啾啾所欲各易足不須羨彼珍羽禽翩翩高
集珠樹林一朝身陷虞羅裏回首空城不如爾

相逢行

沽酒渭橋邊平陵俠少年相逢各有贈寶劍與金鞍

妾薄命

寂寞復寂寞秋風吹羅幕玉階有微霜桂樹花已落昔
為卷衣女承歡在瑤閣棄魚感淚多當熊慙力弱寧知
色易老難求黃金樂宮深去天遠憂思將何託君恩非

不深妾命自輕薄微軀願有報和親死沙漠

神仙曲

上清真人古仙子保神鍊魄從無始眉上霜毫如髮長
幾見金烏日中死東遊不肯居蓬萊滄海頃刻飛黃埃
金輿玉座儼何處蔚藍天上彌羅臺碧桃落盡花無數
一笑虛空卷煙霧烏篆玄文世莫窺茂陵還掩蓬科露
結客少年場行

欽定四庫全書

卷一

五

結客須結遊俠兒借身報仇心不疑千金買得利匕首
摩挲誓許酬相知白馬綬胡纓行行人盡止朝遊洛北
門暮醉秦東市感君在一言不惜為君死朱家曾脫季
將軍由光終酬燕太子君不見魏其盛時客滿門自言
一一俱銜恩魏其既罷誰復見養士堂中塵網遍始知
結客難徒言意氣傾南山食君之祿有弗報何况區區
杯酒間結客不必皆薦紳緩急叩門誰可親屠沽往往
有奇士慎勿相輕閭里人

長相思

長相思思何長愁如天絲遠悠揚搖風曳日不可量未
能絆去足唯解結離腸關山碧雲看欲暮空幃坐掩荃
蘭香長相思思何長

君馬黃

君馬黃我馬玄君馬金匱匪我馬錦連乾兩馬喜過皆
嘶鳴何異主人相見情長安大道可並轡莫誇得意單
先行搖鞭共踏落花去燕姬酒壚在何處

團扇郎

欽定四庫全書

卷一

十五

團扇團且潔人言似明月明月豈得如長圓不曾闕

楊白花

楊白花太輕薄不向宮中飛却度江南落美人路踏連
臂歌山長水濶奈爾何奈爾何春欲晚何不飛去仍飛
返洛陽樹多啼鴉愁殺人楊白花

門有車馬客行

門有車馬客乃是故鄉士昔別各壯顏今見不相似上
堂敘情親拜跪出妻子對案未能食歷歷問桑梓當時

同遊人十有八九死松相長新墳荆棘生故址歡言方
未終悲感還復始因思興謝端歎息不能止

估客詞

上客荊州商小婦揚州娼金多隨處樂不是不思鄉

擢歌行

溶漾漢潭清零荷起浪平船輕知體弱簪滑見鬟傾落
日懸江思浮雲結浦情去從千葉隱歸愛一花迎吳歛

并子夜誰似棹歌聲

欽定四庫全書

大
全
集

七

鷄鳴歌

北斗城頭北斗低萬家夢破一聲雞馬啼踏踏車轆轤
闌下連趨市中逐雄雞安得噪爾聲利名少息世上爭
漫漫夜長人不驚

華山畿

華山畿斗車止不同生可同死棺開棺間與郎去來

長安有狹斜行

長安有狹斜斜斜僅容騎路逢兩俠童迴鞭問君第君

第渭橋西易覓難復速長子侍溫室次子藉金閨少子
備宿衛光耀與兄齊三子每來返雜沓擁輪蹄大婦彈
鷄雞中婦舞前溪小婦勸杯酒能唱白銅鞮丈人莫遽
起庭樹未烏棲

雙桐生空井

交生碧玉樹竝覆黃金井根通夕潤深葉帶朝光冷應
有感秋人時來鑑愁影

征婦怨

欽定四庫全書

大
全
集

六

良人不願封侯印虎符遠發當番陣幾夜春閨惡夢多
竟得將軍軍覆信身沒猶存舊戰衣東家火伴為收歸
妾生不識邊庭路尋骨何由到武威紙幡剪得招魂去
只向當時送行處

襄陽樂

門前黃柳鴉雛宿羅幌低垂婢擎燭懸瑤結珮略妝成
日暮相邀漢江曲水靜花寒月小明舟中樓上鬪歌聲
腸斷年年大堤路南商行過北商行